

一星亦主楚女齊分畢趙分彼附屬於其野而主  
占於他國將長沙及左右轄亦不必論占楚耶翼  
主樂府主遠客軫主車騎又主豕宰輔臣災惑主  
恃亂殘賊疾喪饑兵數者皆不與楚協占其又何  
以別之耶然則天道遠人道邇星野之說又何可  
深求乎歐陽子曰聖人不絕天於人亦不以天參  
人蓋絕天於人則天道廢以天參人則人事惑故  
其作五代史書人不書天其旨微矣禹碑  
釋楊慎曰承帝曰咨翼輔佐卿洲渚與登馬獸之  
門參身洪流而明發爾興久旅忘家宿嶽麓庭  
智營形折心罔弗辰往求安定華嶽泰衡宗疏事  
哀勞餘仲禋爵塞昏徙南塗衍亨衣制食脩萬國  
其寧竄舞永奔沈鑑釋曰承帝曰嗟翼輔佐卿水  
處與登鳥獸之門參身魚池而明發爾興以此忘  
家宿嶽麓庭智營形折心罔弗辰往求平定華嶽  
泰衡宗疏事哀勞爵仲禋羸塞昏徙南暴昌言衣  
制食備萬國其寧鼠舞蒸奔楊時喬釋曰承帝令  
翼爲援弼欽塗陸登島渴端鄉邑仔麗流船暗  
歌遲眠卽夙迄冬次嶽麓屏陌裂番析郢罔墮躔  
性求出竅華恒泰衡高陲事哀獻桴挺禋爵濬墊